



partii naleraq

Nuuk 11. oktober 2018
UKA2018/212
Hans Enoksen Partii Naleraq

Najukkat pillugit Inatsisartut inatsisaat nr. xx, xx. xxx 2018-imeersoq
(Aatsitassanut, Suliffeqarnermut, Nunamut Namminermt, Nunanilu Avannarlerni
Suleqatigiinnermut Naalakkersuisoq)

Siullermeernera

Najukkat pillugit inatsisartut inatsissaattut siunnersuut naatsumik oqaaseqarfigissavarput.

Innuttaasut nunatsinni sumiikkaluaruttaluunniit pisussaaffigaarput sumi najugaqarnerluta ersarissumik pisortanut nalunaaruteqarnissatsinnut. Tassalu nunaqarfiit illoqarfiillu tamarmik pineqarput tassami taamaliornikkut aamma pisortaniit sukkanerusumik sullinneqarsinnaassammata innuttaasut.

Uani inatsisissami saqqummiunneqartumik anguniarneqarpoq najukkat pillugit nalunaarsuiffiit sullissinerillu assigiissarneqarnissaat tamaallilluni kommuunit nalunaarsuineri akisussaalissapput tamaallilluni aamma ataatsimoorussamik malittassaqalerpat paasissutissat assigiimmik pisortat sullissinerat pitsaanerusunngortinneqartussanngorluni.

Ilanngullugu innuttaasut aalajangersimasumik najugaqanngitsut angerlarsimaffeqanngitsullu ilaatigut allagarsiassaminnik tigusiniartarnertik assut ilungersunartillugu apuussisarnerat eqqarsaatissat apuunniarparput, tassami ilaasa allagarsiassatik ullorpassuit tigussanagit oqariartuutigisarmassuk, tamakkua ilanngullugit ataatsimiititaliami eqqarsaatigineqarnissaat kaammattuutigaarput.

Taamatut oqaseqarluta ataatsimiititaliami suliarineqarnissaa innersuussutigaarput.